

Sulianut nukissiuutininik ataavartunik, nukissiuutininik pitsanngorsaaneermik silallu

pissusianut tunngasunik ineriartortitsiviusunut maleruagassat

(VEK-mut aningaasaliissutit)

Siunertaq

Aningaasaliissuteqartarnermi nukissiuutininik ataavartunik atuinerup annertusineqarnissaa, nukissiuutininik pitsanngorsaaneerup siuarsarneqarnissaa, gassinik silaannarmik kissakkiartortitsisartunik aniatitsinermik annikillisaanerup siuarsarneqarnissaa aammalu silap pissusianut naleqqussaanaissaq, kiisalu silap pissusiata allannguutaasa inuiaqatigiinnut kalaallinut sunniutaanik paasisimasaqarnerup annertusarneqarnissaa pingaarnertut siunertarineqarpoq.

2016-imut aningaasanut inatsimmi siunertaasoq annertunerusumik nassuiarneqarpoq, imaapporlu:

- *Nukissiorfiit tungaasigut assersuutigalugu brintimit, geotermikimit, anorimit, seqinermi nukissamik ataavartumik ilisimasanik periarfissanillu pilersitsineq.*
- *Nukissamik ataavartumik aallarniisoqarnissaanut aporfiusinnaasunik annikillisaanaissaq.*
- *Silaannaap allanngornerata pinngortitamut inuiaqatigiinnullu kinguneqartitsinera pillugu ilisimasat annertusineqarnissaat.*
- *Silaannaap allannguutaanut nalimmassaanissamut periusissanik ineriartortitsineq.*
- *Gassinik kissattoorutininik annikillisaanissap silaannaallu allannguutaanut nalimmassaanissap tungaasigut suliniutininik aallartitsinissaq.*
- *Paasissutissaliorneq paasissutissiinerlu kiisalu susassaqarfigisatigut ilisimasanik avitseqatigiinneq.*
- *Nukissiornermi nukissamillu atuinermi nukissiuutininik pitsanngorsaaneq pillugu ilisimasanik nutaanik pilersitsinissaq.*

Anguniakkat

Innuttaasut, suliffeqarfiit, sullissiviit, peqatigiiffiit, kommunit il.il.

Suliassat pilersaarutaasut

Assersuutigalugu suliassanut imaattunut qinnuteqartoqarsinnaavoq:

- *nukissiuutini ataavartuni, nukissiuutininik pitsanngorsaaneermi, silap pissusiata allannguutaani aamma silap pissusianut naleqqussarnermi ilisimasanik nukittortitsinissamut*
- *nukissiuutininik ataavartunik nukissiuutinillu pitsanngorsaaneermik siuarsaaniarluni sulianut atorussaqaarneq. Tassalu sulianut nukissiuutininik ataavartunik nukissiuutinillu pitsanngorsaaneermik Kalaallit Nunaanni inuiaqatigiinnut siaruartitsinerunissamik kinguneqartussanut*

- *suliat qanoq ingerlasinnaaneriniq takutitsisunut, aammalu sulialinnut allanut agguaaassinissaq siunertaralugu ilisimasaniq tulleriiaaraluni katersuiffiusunut*
- *nukissiuutiniq ataavartunik pilersuinerimik, nukissiuutiniq pitsanngorsaanerimik, silap pissusiata allannguutaanik aamma silap pissusaanut naleqqussaanerimik ingerlatitseqqiffiusunut.*

Qinnuteqaat

Suliassamut VEK-mut aningaasaliissutiniq tapiiffigineqarsinnaasutut ilimanaatilinnik isumassarsisimagussi, suliap ingerlanerani siusissukkuq Pinngortitamut, Avatangiisinut Inatsisinillu Atuutsitsinerimut Naalakkersuisoqarfik attaveqarfigeqqullugu kajumissaarneqarpuu. Naalakkersuisoqarfimmi sulisut qinnuteqarnermut atorsinnaasassinnik pitsaasunik siunnersorsinnaavaasi suleqatigisinnaallusilu.

Aningaasaliissutiniq qinnuteqarnermi qinnuteqarnermut immersugassaq immikkut ittoq immersussavarsi.

Suliassinnut tapiiffigineqarnissarsi aalajangiukkussiuk, makku pingaartissavavut:

- Suliap aningaasaliissutiniq siunertaasumut naammassinninnissaa
- Iluatsitsinissamut tunngaviusut piviusorsioruunissaat, tassalu naatsorsuutigisassi angusinnaanissaasa ilimanaateqarnissaa
- Suliat, piffissamut pilersaarutit missingersuutillu pitsaasumik ataqatigiinnissaat
- Aningaasaliissutit suliami siunertaasunut, qinnuteqartup ingerlatsinerimut aningaasartuutaasa nalinginnaasut iluanniittunut aalajangersimasumik atorineqarnissaat. Ingerlatsinerimut aningaasartuutiniq, suliamut toqqaannartumik attuumassuteqanngitsunut tapiisoqartanngilaq
- Suliap Naalakkersuisut silap pissusianut nukissiuuteqarnermullu politikikkikut anguniagaannut allanut naleqqunnissaa
- Suliap Kalaallit Nunaanni ingerlanneqarnissaa. Taamaallaat pisuni immikkut ittuni sulianut, nunani allani ingerlanneqartunut tapiisoqartarpoq
- Suliami angusat misilittakkallu allanut ingerlateqqinneqarnissaat
- Aningaasassarititaasut ikinnerpaamik 50 %-iisa aningaasaleeqataaffigineqarsimanissaat. Tunngaviusumik aningaasaliissutiniq suliamut aningaasartuutit tamarmiusut annerpaamik 50 %-iinut tapiisoqartarpoq. Nammineerluni aningaasaliissutit saniatigut aningaasaleeqataassutit ilaatigut nunani allani suleqatiniq, inuussutissarsiutiniq ingerlataqartunit, sullissivinnit aningaasaateqarfinnillu allanit pissarsiarineqarsinnaapput. Nammineerluni piimassutsimik suliaqarnermut uppersarsaatip nalinga aningaasaleeqataassutit isigineqarsinnaavoq. Suliat 50 %-it inorlugit aningaasaleeqataaffigineqartut aatsaat pissutsit immikkut ittut atuuppata tapiiffigineqarsinnaapput.
- Suliffeqarfiit qinnuteqartut imaluunniit suleqataasut Kalaallit Nunaanni Inuussutissarsiortut Nalunaarsorsimaffiannut (GER) www.ger.gl nalunaarsorsimappata
- Qinnuteqartup suliamut misilittagai. Qinnuteqartoq sulianik ingerlatsinissamut annikitsuinnarmik misilittagaqarpat, pilersaarusiernerup nalaani naapertuuttumik siunnersorteqarnerup isumagineqarsimanissaa pingaartinneqassaaq
- Qinnuteqartup aningaasartuuteqannginnermini akuerineqarsimanissaa

- Suliani ukiuni arlalinni ingerlanneqartuni suliart missingersuutillu ersarissumik ukiunut agguarneqarsimanissaat
- Suliani ukiuni arlalinni ingerlanneqartuni atorunnaarsitsinissamut suliniutissanik suliaqartoqarsimanissaa. Aningaasanut inatsimmit VEK-mut aningaasaliissutit ukiuni ataatsimi atuuttussaanerart tamatumunnga peqqutaavoq. Atorunnaarsitsinissamut suliniutissaq tassaavoq ukiunut tulliuuttunut tapiissutissat atorunnaarnerini suliniutip qanoq pinissaanut nassuiaat (naatsaq).

Nalunaarusiortarneq suliamullu naatsorsuutit

Suliat naammassinerani nalunaarusiussaasi suliamullu naatsorsuusiussallusi, taakkunungalu naatsorsuutit ilaliussat attuumassutillit ilaassapput. Ukiut arlalinni suliaqarnermi ukiumoortumik killiffiit pillugit nalunaarusiortoqassaaq, suliami ukiumoortumik naatsorsuutit ilaqartinneqartumik.

Malugalugu:

- Nalunaarusiornermi immersugassaq immikkut ittoq atorineqassammat
- Nalunaarusiaq suliamullu naatsorsuutit ukiuni tapiiffiusumi kingusinnerpaamik decembarip ulluisa 31-anni nassiunneqassammata. Aningaasartuutit suliamut missingersuutit ilaatinneqartut tamarmik uppersaaserneqassapput. Nalunaarusiaq suliamullu naatsorsuutit akuerineqariarpata, tapiissutissat erngerlutik akilerneqassapput.

Suliassanik suliaqarneq

Tapiissutissat Pinngortitamut, Avatangiisinut Inatsisinillu Atuutsitsinermut Naalakkersuisoqarfimmi Silap Pissusianut, Nukissiuuteqarnermut, Pinngortitamut Inatsisinillu Atuutsitsinermut Immikkoortortaqarfimmit aqunneqarput.

Naalakkersuisoqarfiup qinnuteqaatit tiguneqartut avataanit suleqataasunut naliliiffisassanngorlugit nassiussinnaammagit piareersimaffigissavarsi.

Qinnuteqarnerup ingerlasarnera

Qinnuteqaatinik ukiup qanorluunniit ilinerani nassiussinnaavusi. Qinnuteqaatit ingerlaavartumik suliarineqartarput.

Qinnuteqarnissamut atortussat, taakkunungalu qinnuteqarnermut immersugassaq nalunaarusiornermilu immersugassaq ilanngullugit piniarsinnaavasi, uunga mail-erlusi, sianerlusi allallusiluunniit:

Silap Pissusianut, Nukissiuuteqarnermut, Pinngortitamut Inatsisinillu
Atuutsitsinermit Immikkoortortaarfik
Pinngortitamut, Avatangiisinut Inatsisinillu Atuutsitsinermit
Naalackersuisoqarfik
Postboks 1614
3900 Nuuk
E-mail: paian@nanoq.gl

Tlf: 34 50 00 (sianertunik nuussisarfik)

Saaffiginnissutit nalunaaqutserneqassapput: "VEK-mut aningaasaliissutit".